

Psykologkompetanse til kommunane: modell for å rekruttere og behade

– Eit samarbeidsprosjekt mellom kommunane i Nordhordland,
BUP Nordhordland og Bjørgvin DPS

Referat frå møte i styringsgruppa

(kommunalsjefsgruppa HO NH + Helse Bergen HF)

Møte:	Møte 3 – 2019, 4. desember kl. 10.00 – 11.30
Til stades:	Monika Kvamme (Austrheim kommune), Ove Sæbø (Modalen kommune), Grete Herøy (Radøy kommune), Malin Daae Steine (Masfjorden kommune), Leni Dale (Lindås kommune), Nina Kvamme (Osterøy kommune), Anne Hildegunn Færøy (NUI).
Frå arb.gruppa:	Kristine Fanebust (leiar i arbeidsgruppa, rep. Fagråd for psykisk helse i NH), Rolf Martin Tande (rep. Fagrådet for kommuneoverlegar i arbeidsgruppa) og Tonje Husum Aarland (NUI/koordinator arbeidsgruppa).
Forfall:	Representant frå Fedje kommune, Ingebjørg Søreide (Gulen kommune) og Geir Lien (Helse Bergen HF) og Helge Kvam (Meland kommune).

07/19 Bakgrunn og status

Kristine Fanebust, Rolf Martin Tande og Tonje Husum Aarland frå arbeidsgruppa orienterte om bakgrunn og status for prosjektet. PP-presentasjonen vert vedlagt møtereferatet.

Mandatet til arbeidsgruppa er å greie ut og vurdere moglege løysingar for korleis NH-Nordhordlands kommunane og Helse Bergen HF kan samarbeide for å følgje dei nye krava og utarbeide forslag til modell(ar) for samarbeidet. Arbeidsgruppa har hatt 6 møter i 2019, og har gitt løypemeldingar til styringsgruppa undervegs.

I løpet av 2019 har arbeidsgruppa drøfta og kartlagt status og behov i kommunane, samordna overordna føringar kring kommunepsykolog, sett til andre kommunar med erfaringar frå liknande arbeid, drøfta samhandlingsmoglegheiter og grenseovergangar mellom kommunar og spesialisthelsetenesta, skissert moglege samarbeid som kan betre rekruttering og laga utkast til samarbeidsmodell med forslag til fleire tiltak som kan leggast inn i eventuelle avtalar mellom kommunane og med Helse Bergen og UiB.

Vedtak:

Styringsgruppa tek orienteringa til vitande.

05/19 Detaljert program fagdag 11. desember

I styringsgruppemøtet 6. september vart behovet for å halde ein fagdag for tilsette i kommunane med tema «Psykolog i kommunen» drøfta. Det vart då peika på at målgruppa burde vere fagpersonar og administrasjon frå kommunane; leiarnivå i alle aktuelle faggrupper, som psykisk helse og rus, helsestasjonen, barnehage- og skule, leger, NAV, PPT, barnevern, flyktningtenesta og andre.

Arbeidsgruppa har fungert som programkomite og i møtet vart det lagt fram detaljert program for fagdagen som er sett til 11. desember kl. 09.00 – 15.15. Ove Sæbø og Kristine Fanebust skal vere vertar for dagen. Ordførarane i Alver og Modalen kommunar er invitert til å opne og avslutte dagen.

Ein har fått til eit variert program med fleire fagperspektiv:

Frå Napha kjem Kjetil Orrem som har hatt ansvar for oppfølginga av tilskotsordninga og psykologar i kommunen, og vil orientere om dei nasjonale føringane og bakgrunnen for tilskotsordninga. Anette Clausen frå Norsk psykologforening kjem og orienterer mellom anna om kva som er på plass og korleis ein bør jobbe framover med tanke på rekruttering og vidare etter at tilskotsordninga vert ein del rammetilskotet til kommunane.

Elles vert det innlegg frå Monica Sture frå BUP Nordhordland, Kjersti Toppe frå helse og omsorgskomiteen på Stortinget, Marcus Jørgensen Skjelvik – repr. frå ungdomsrådet i Meland/Alver, Hilde B. Hugaas - rektor ved Meland ungdomsskule og Sigrid R. Ystaas – kommunepsykolog i Fjell kommune.

Lovendringa gjeldt psykolog knytt til dei kommunale helse- og omsorgstenestene.

Arbeidsgruppa har i fleire møte drøfta rammene og kjerneoppgåvene til psykologar tilsett i kommunar, og korleis ein kan samarbeide interkommunalt om dette. På fagdagen er det derfor lagt opp til ein drøftingsrunde/workshop der ein ønskjer at deltakarane skal drøfte og komme med innspel til kva dei vurderer er viktige funksjonar som kommunepsykologen bør ha og korleis ein kan samarbeide om å få dette på plass i eit interkommunalt perspektiv.

Styringsgruppa har fått invitasjonen tilsendt og sendt denne vidare til aktuelle i målgruppa internt i kommunane. Det er likevel nokre kommunar som er mindre representert enn andre, og det er bedt om at ein sender ut eit forenkla program med påminning om fagdag og utvida påmeldingsfrist.

Vedtak:

Styringsgruppa takkar for godt arbeid så langt og ber om at det vert laga eit forenkla program som kan sendast til samarbeidspartane med påminning om fagdagen 11. desember.

06/19 Vidare prosess og forankring

Utkast til skisse av modell for samarbeid om rekruttering og førebels visualisering av hovudprosjekt bygger på interkommunalt samarbeid i regionen, og eventuelle avtalar med Helse Bergen og Universitetet i Bergen (UiB).

For å sikre gode og føreseielege samarbeidsavtalar mellom Helse-Bergen og kommunane, vil arbeidsgruppa tilrå at det vert vurdert eit interkommunalt samarbeid om psykologstillingar. Dette kan også vere med på å utvikle meir stabile rammar og betre arbeidsvilkåra for psykologane, som igjen kan betre rekrutteringa. Eit interkommunalt samarbeid om psykolog vil elles vere nyttig for felles utvikling av rolla som psykolog i eit tverrfagleg samarbeid, både i kommunane og mellom kommune og spesialisthelsetenesta.

Det er komme tydeleg tilbakemelding frå Helse Bergen om at dei ønskjer å satse på prosjektet og er positive til førebelse forslag til samarbeidsmodellar, mellom anna om integrerte spesialiseringssløp i samarbeid mellom kommunane, VOP og BUP Nordhordland.

Arbeidsgruppa er i dialog med psykologisk fakultet på UiB, og har fått tilbakemelding om at dei gjerne vil få til avtalar om praksisplassar i kommunane, og gjerne allereie i 2020. Det ligg også moglegheiter for å knytte til seg PHD-kandidat i koordineringsarbeidet av hovudprosjektet og som forskingsressurs.

Rapporten frå prosjektet og arbeidet som er gjort i 2019, med tilrådingar frå arbeidsgruppa, er under arbeid og vert lagt fram for styringsgruppa i neste møte i februar.

Arbeidsgruppa ønskjer å be styringsgruppa allereie no komme med ein tilbakemelding om det er ønskeleg at kommunane deltek i eit interkommunalt samarbeid vidare og om det er vilje til å sette av ressursar i 2020 for å arbeide vidare med å få ferdigstille søknadar om pilotering og å forankre desse vidare.

Frå 01.01.2020, etter samanslåinga til Alver kommune, vert 4 kommunar ståande med vakante psykologstillingar, og kommunane må finne mellombelse løysingar til ein eventuelt kan få på plass utprøving av samarbeidsmodellar.

Vedtak:

Styringsgruppa er nøgde med arbeidet som er gjort så langt. Kommunane stadfester at dei vil vere med på denne satsinga og ser fram til prosjektrapporten med endelege konklusjonar og tilrådingar frå arbeidsgruppa som kjem etter nyttår. Prosjektrapporten bør seie noko om kor mykje det er forventat at kommunane skal bidra med økonomisk og/eller andre ressursar, til rigging av prosjektet vidare i 2020 og i vidare utprøvingssfasen i 2021/2022.

Referent: Tonje Husum Aarland (NUI/koordinator arbeidsgruppa)